


Александр Александрович Даржай 1944 чылдың ноябрь 3-те Сүт-Хөл кожууннуң Суг-Аксынга мал эмчилерининң өг-бүлезинге төрүттүнген. Ооң чаш болгаш элээди үелери Чаа-Хөл кожуунга эрткен. 1962 чылда Чаа-Хөл ортумак школазын дооскан соонда, «Найырал» совхозтун Кызыл-Даг салбырынга (Булуң-Терек) ажылдап эгелээн.

1970 чылда Кызылдың башкы институтун дооскаш «Тываның аныяктар» солуннуң корреспондентизи, килдис эргелекчизи, харыысаалгалыг секретары, кол редактору бооп ажылдап турган. 1976 чылдан 1981 чылга чедир Тываның ном үндүрер черинге улуг редакторлап, 1981 чылдан 1989 литконсультантылап, «Улуг-Хем» альманахтың редакторунга ажылдаан. 1989 чылдан эгелеп Тыва АССР-ниң Чогаалчылар эвилелинин баштаар чериниң кедигүнү. 1992 чылдың Тыва Республиканың Парлалга, информация сайыдынга соңгуткан. 1994-1998 ч.ч. А. А. Даржай Тыва Республиканың Дээди Хуралының депутадынга соңгуткаш, даштыкы болгаш парламент харылзааларының айтырыгларының талазы-биле комиссияны удуртуп турган.

Тыва национал культураның база массалыг парлалга чепсектеринин сайзыралының талазы-биле айтырыгларны эрге-хоойлу органнарынга шиитпирлежиринге идекпейлиг киришкен. 1997 чылда А. А. Даржай ТР-ның Чогаалчылар Эвилелинин даргазынга катап соңгуткан. А. А. Даржайның чогаалга сонуггалы өөреникчи чылдарында-ла илереп келген. 1964 чылдың ноябрь 1-де «Шын» солунга А. Даржайның «Мөңгө дазыл», «Эртинем сен» деп баштайгы шүлүктери М. Б. Кенин-Лопсанның саналдааны-биле «Мотористин шүлүктери» деп аттыг үнген. Оон бээр ол номчукчуларга хөй шүлүк номнарын бараалгаткан. Тываның улустун чогаалчылары С. Б. Пюрбюнү, Ю. Ш. Кюнзегешти, М. Б. Кенин-Лопсанны ооң чогаалчы болурунга салдар чедирген башкылары деп А. А. Даржай санап чоруур. 1972 чылда А. А. Даржайның «Төрээн черим» деп шүлүктеринин баштайгы чыындызы чырыкче үнген. 1979 чылда Бүгү эвилелдин чогаалчыларының Москвага эрткен VII семинар-хуралыга улуг шүлүкчүлөр К. Кулиев, Д. Кугультинов, оларның саналдааны-биле А. А. Даржай ССРЭ-ниң Чогаалчылар эвилелинин кежигүнүнге кирген. А. А. Даржай 1982 чылда Украинаның Ровно облазынын комсомол шаңналының лауреады болган. Аңаа 1992 чылда чогаал талазы-биле Тываның Күрүне шаңналын тывыскан. 1994 чылда ол Тыва Республиканың “Шылгараңгай күш-ажыл” дээш медалы-биле шаңнаткан. 2004 чылда “Ынакшылдың ширээзи” деп сонеттер ному дээш, Тыва Республиканың Чазак Даргазының С.А. Сарыг-оол аттыг шаңналының лауреады болган. 2005 чылда культура болгаш литератураның хөгжүлдизинге киирген үлүг-хуузу дээш, ону Россия Федерациязының Найырал ордени-биле шаңнаан. 1991 чылда «Өглеривис ак-көк ыжы», «Зёрна добра» деп шүлүк номнары дээш А. А. Даржайга Күрүне шаңналын тывыскан.

 src="http://localhost/pisateli/views/files/upload/images/daa.jpg" style="height:262px; line-height:20.7999992370605px; margin-left:5px; margin-right:5px; width:200px"/>